

ԽՄԲԱԳՐՈՒԹԵԱՆ ԿՈՂՄԻՑ

Ներկայ համարով լրանում է «Վէմ»-ը Զորքուրդ տարեշրջանը, աւելի ճիշտ՝ Զորքուրդ վեցեակը, որովհետեւ մեր բաժանորդագրութիւնը, ինչպէս յայտնի է, տարեկան չէ, այլ՝ ըստ վեց համարի, վեց դիւրքը մէկ շրջան:

Պէտք է խոստովանել, որ հեշտ չէր մեր անցած ճամբան: Մանաւանդ վերջին տարիներին նրաթական ծանր պայմաններում, իբրեւ հետեւանք տնտեսական սուր տագնապի, «Վէմ»-ն եւս շատ դժւարութիւններ կրեց, բայց այն ջերմ համակրանքն ու սէրը, որ նա գտաւ ընթերցողների եւ հայ մշակոյթով ապրող մտաւորականութեան կողմից, մոռացնել են ապրիս ամէն զրկանք ու նեղութիւն: «Վէմ»-ը այսուհետեւ եւս հրատարակելու է նոյն ուղղութեամբ եւ նոյն բովանդակութեամբ, ինչ որ մինչեւ այժմ՝ լայնօրէն բանալով իր էջերը բոլոր նրանց առջեւ, որոնք սիրում են հայ մշակոյթն ու պատմութիւնը եւ պատրաստ են ծառայելու նրանց զարգացման:

Պէտք է ասենք նաեւ, որ բարոյական տեսակէտից մենք կատարելապէս դո՛հ ենք «Վէմ»-ից. նա իր շուրջ համախմբեց եւ ունի մեր մտաւորականութեան ընտրանին եւ ընթերցողների լայն շրջաններ: Նոյնը չենք կարող ասել, դժբախտաբար, նիւթականի մասին. եթէ բաժանորդները ժամանակին վճարէին բաժնեգինը, «Վէմ»-ը կը լիւնէր ինքնապահ, ո՛չ մէկ նեղութիւն չէր քաշի եւ կանոնաւորապէս ու ժամանակին լոյս կը տեսնէր: Յաւն այն է, որ հայ մարդը դիւրք ունենալ եւ կարգաւ շատ է սիրում, բայց դրամ վճարել չի սիրում: Ընդհանուր եւ դժբախտ ցաւ է այս, որ չզիտենք, թէ երբեւիցէ պիտի դարձանէ՞: Նոր շրջանի չէմքին մենք մէկ խնդիր ունենք միայն մեր բաժանորդներից՝ ժամանակին ուղարկել իրենց բաժնեգինը, առանց սպասելու յիշեցումների: Այդքան փոքրիկ զոհողութեամբ, եթէ այդ զոհողութիւն է, նրանք մեծապէս կը նպաստեն «Վէմ»-ի կանոնաւոր հրատարակութեան:

«Վէմ»-ը ապրում է միայն բաժանորդագրութեամբ. իր բաժանորդների թիւը բաւական է հրատարակութիւնը ապահովելու համար: Կողմնակի հասոյթներ մենք չունենք, բացի մի քանի ինքնաբերական եւ պատահական նւէրներից: Հաճոյքով արձանագրում ենք հինգ տարեայ ընթացքում ստացւած այդ գումարները. — 300 Փր. հանդուցեալ Գ. Շահլամեանից (Մարտէյլ), 200 փեսօ հանդուցեալ Դոն Սուան Պէննէյսանից (Բ. Այրէս), 25 տոլար Տր. Ս. Քէչիչեանից (Տիթրո-

յիթ), 50 տուրար Ս. Աւետիսանից (Նիւ Եօրք) : Այս բոլոր դուժարները դիմաց «Վէմ»-էր ուղարկւած են Սիւրբիայի, Իրաքի եւ Իրանի դպրոցներին եւ այլ հաստատութիւններին : Այս, ինչպէս նաեւ ստանձին «Վէմ» նւիրողներին խմբադրութիւնս յայտնում է իր ջերմ շնորհակալութիւնը : Սրտադին շնորհակալութիւն նաեւ մեր ընկեր - դորձակալներին, որոնք, առանց շահի ակնկալութեան, իրենց թանկագին աջակցութեամբ մեծապէս օգնում են մեր հանդէսի դոյութեան եւ զարգացման :

«Վէմ»-ի նախորդ տարիները համարները մնացել են սահմանափակ թւով, այդ պատճառով խմբադրութիւնս այլեւս անկարող է զեղչւած գնով ուղարկել : Սկզբից՝ ամբողջ հաւաքածոն ստանալ ուղող բաժանորդները այսուհետեւ պէտք է վճարեն նշանակւած լրիւ բաժնեդիրը :

«ՎԷՄ»-Ի ՆՈՐ ՀԱՍՑԷՆ

Բաժանորդներից, գործակալներից եւ բոլոր «Վէմ»-ի հետ դործ ունեցողներից խնդրում ենք ի նկատի ունենալ մեր նոր հասցէն .—

S. Ter - Tovmassian,

79bis, Rue des Chesneaux

Montmorency (S. et O.)

(France)

